

Communicaziun a las medias dals 15 da fanadur 2021

## Grond engaschi per il gaud da muntogna grischun: jobs da stad per 60 giuvenils grazia a la BCG

Per la novavla giada han lieu quests dis las emnas da lavur popularas da la Banca Chantunala Grischuna e dal Project en favur dal gaud da muntogna. 30 giuvenils èn gia stads en acziun a Cuir e a Glion. Las proximas emnas survegnan las bostgeras ed ils bostgers da Küblis e Bravuogn sustegn dad ulteriurs 30 teenagers per lur lavurs en il gaud da muntogna.

Nus essan amez il Project en favur dal gaud da muntogna: dapi l'entschatta da fanadur lavuran giuvenils en il gaud da muntogna grischun e s'engaschan per il mantegniment da sia funcziun da protecziun. Las scolaras ed ils scolars en la vegliadetgna da 15 fin 19 onns construeschan sendas e saivs cunter la selvaschina, cultiveschan il gaud giuven e fan autras lavurs preziasas. Suenter Cuir e Glion è ussa vidlonder il gaud da muntogna da Küblis e Bravuogn.

La Banca Chantunala Grischuna porscha questas plazzas da stad en il gaud da muntogna gia per la novavla giada. Quest onn ha ella survegnì 170 annunzias. «Cun ses project da stad fa la BCG ina contribuziun impurtanta per il gaud da protecziun e pussibilitescha a medem temp in'occupaziun raschunaivla durant la stad», commentescha Alexander Villiger, manader dal persunal tar la BCG, l'engaschi da la banca. In gaud da muntogna intact protegia da privels da la natira ed è in spazi vital per bieras spezias d'animals e da plantas. «La tenuta e l'energia dals giuvenils ma fan gronda impressiun», lauda Martin Kreiliger, manader dal Project en favur dal gaud da muntogna, la lavur da sias gidantras e ses gidanters a temp parzial.

### Contact:

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Daniel Daester, [daniel.daester@gkb.ch](mailto:daniel.daester@gkb.ch), telefon +41 81 256 88 01

Banca Chantunala Grischuna, Medias & Investor Relations, chascha postala, 7001 Cuir  
[medien@gkb.ch](mailto:medien@gkb.ch) / [gkb.ch/medien](http://gkb.ch/medien)

### Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. L'interpresa cun sedia principala a Cuir è represchentada en 47 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadadad cun il Grischun s'exprima en sustegns multifars. Sper sias activitads economicas s'engascha ella cun ses sponsoradis, ses fond da contribuziuns per projects culturals, socials, economic e sportivs e cun sia lavur voluntara. La BCG è participada a la Banca privata Belleive AG a Turig ed a l'Albin Kistler AG a Turig. Il scrit da participaziun BCG è quotà a la bursa dapi il 1985.

### Termins:

Rendaquint semestrial 2021:

29 da fanadur 2021